

四庫全書

史部

欽定四庫全書

史部

水經注集釋訂訛卷十七至

詳校官監察御史_臣周元良

刑部郎中_臣許兆椿覆勘

總校官原任中書_臣王燕緒

校對官中書_臣吳裕德

謄錄舉人_臣蔣傳馨

欽定四庫全書

水經注集釋訂訛卷十七

歸安沈炳巽撰

渭水上

渭水出隴西首陽縣

今陝西臨洮府渭源縣

渭谷亭南鳥鼠山

尚書

傳曰鳥鼠共為雌雄同穴處此山遂名山曰鳥鼠渭水出焉尚書正義曰釋鳥云鳥鼠同穴其鳥為鶴其鼠為鼯李巡曰鶴鼯鳥鼠之名共處一穴天性然也郭璞曰鼠如人家鼠而短尾鶴如鴛而小黃黑色穴入地三四尺鼠在內鳥在外今隴西首陽縣有鳥鼠同穴山

渭水出首陽縣首陽山渭首亭南谷山在鳥鼠山西
北此縣有高城嶺嶺上有城號渭源城渭水出焉三

川

宋本
作源

合注東北流逕首陽縣西與別源合水出南

鳥鼠山渭水出谷尚書禹貢所謂渭出鳥鼠者也地
說曰鳥鼠山同穴之枝幹也渭水出其中東北過同
穴枝間既言其過明非一水也又東北流而會於殊
原也渭水東南流逕首陽縣南右得封溪水次南得
廣相溪水次東得共谷水左則天馬溪水次南得伯

陽谷水並參差翼注亂流東南出矣

又北過襄武縣北

襄武故城在今隴西縣東南五里元和志渭州襄武縣渭水北自渭源縣

入界流

廣陽水出西山二源合注成一川東北流注於渭渭

水又東南逕襄武縣東北荆頭川水入焉水出襄武

西南烏鼠山荆谷東北逕襄武縣故城北王莽更名

相桓漢護羌校尉温序行部為隗囂部荀宇所拘銜

鬚自刎處也

後漢書獨行傳温序字次房太原祁人也建武六年拜護羌校尉行部至襄武

為隄崑別將荀宇所拘序怒以節搃殺數人乃街鬚于口回顧左右曰既為賊所迫無令汗鬚上遂伏劍死

而其水東北流注於渭渭水常若東南不東北也又東泉水注之水出西南雀富谷東北經襄武縣南東

北流入於渭魏志稱咸熙二年襄武上言大人見身

長三丈餘跡長三尺一寸魏志作二寸白髮著黃單衣巾

柱杖按魏志當作黃中拄杖呼民王始語云今當太平十二月

天祿永終歷數在晉遂遷魏而事晉

又東過獮道縣南

右則岑溪水次則同水俱左則過水右注之源

一作渭

水東南逕獮道縣故城西

獮道廢縣在今鞏昌府東二十五里

昔秦孝

公斬西戎之獮王

宋本王下尚有於此二字

應劭曰獮戎邑也漢

靈帝五年

郡國志云中平五年分置南安郡此漏中平二字

別為南安郡赤

亭水出東山赤谷西流逕城北南入渭水渭水又逕

城南得粟水水出西南安都谷東北流注於渭渭水

又東新興川水出西南烏鼠山二源合注東北流與

彰川合水出西南溪下東北至彰縣南

今為漳縣屬平涼府其故

城在今縣南五里後魏地形志渭川廣寧郡有彰縣新興縣後漢郡國志作彰縣屬隴西郡水屬

道故侯尉治

當作本屬故道郡尉治漢志武都郡有故道縣

後漢縣之永元

元年和帝封耿秉為侯國也

按後漢書耿秉傳章和二年拜耿秉為征西將

軍封美陽侯與此不同所未詳也

萬年川水出南山東北流注之又

東北注新興川又東北逕新興縣北晉書地道記南

安之屬縣也其水又東北與南川水合出西南山下

東北合北

疑漏川字

水又東北注于渭水渭水又東逕武

城縣西

新興武城今並

武城川水入焉津源所道出

鹿部西山兩源合注東北流逕鹿部南亦謂之鹿部
水又東北昌丘水出西南邱下東北注武城水亂流
東北注渭水渭水又東入武陽川又有關城川水出

南安城谷水出北丘川參差注渭水渭水又東與

疑當

作落門西山東流三府谷水注之三川統一東北流

注於渭水有落門聚

在今伏兔縣西十里伏兔木漢冀縣

昔馮異攻落

門未拔而薨建武十年來歙又攻之擒隗囂子純隴
右平渭水自落門東至黑水峽左右六水夾注左則

武陽溪水東得土門谷水俱出北山南流入渭左

宋本

作右則有溫谷次東有故城溪水次東有閭里溪水亦

名習溪水次東有黑水並出南山北流入渭水又東

出黑水歷冀川

又東過冀縣北

今為鞏昌府伏羗縣故城在縣東元和志渭水逕伏羗縣北去縣一里

渭水自黑水峽至崆峒南北一十水注之北則溫谷

水注之其水道平襄縣

今為鞏昌府秦州

南山溫溪東北流

逕平襄縣南城故襄戎邑也王莽所謂平襄

漢志作相縣

矣其水東南流歷三堆南又東流而南屈入黃槐川
梗津渠冬則輟流春夏水盛則通川注渭次則午谷
水南入渭水南有長塹谷水次東有安蒲溪水次東
有衣谷水並南出朱圉山山在梧中聚有石鼓不擊
自鳴鳴則兵起漢成帝鴻嘉三年天水冀南山有大

石自鳴

師古曰天水郡之冀縣南山也

聲隱隱

漢書五行志作隆隆

如雷有頃

止聞於平襄二百四十里野雞皆鳴石長丈三尺廣

厚略等在岢脇

漢志作旁著岸脇

去地百餘丈

漢志作二百餘丈

民

俗名曰石鼓石鼓鳴則有兵是歲廣漢黜

漢志作鉗

子攻

死囚盜庫兵略吏民衣繡衣自號為仙

漢志作山

君黨與

漫廣

漢志作漫廣

明年冬伏誅自歸者三千餘人信而有

徵其水北逕冀縣城北秦武公十年伐冀戎縣之故

天水郡治王莽更名鎮戎

漢志作填戎

縣曰冀治漢明帝

永平十七年改曰漢陽郡城即隗囂稱西伯所居也

後馬超之圍冀也涼州別駕閻伯儉潛出水中將告

急夏侯淵為超所擒令告城無救伯儉曰大軍方至

咸稱萬歲超怒數之伯儉曰卿欲令長者出不義之

言乎遂殺之

魏志閭溫傳溫字伯儉天水西城人也以涼州別駕守上邽令馬超圍涼州所

治冀城甚急溫夜從水中潛出將告急於夏侯淵為超所擒超解其縛令反謂城中無救溫偽許之至城

下大呼曰大軍不過三日至城中皆泣稱萬歲超怒數之溫曰夫事君有死無二乃欲令長者出不義之

言吾豈苟生者乎超遂殺之

渭水又東合冀水水出冀谷次東濁

谷水次東有當里谿水次東有託里水次東有渠谷

水次東黃土川水俱出南山北逕冀城東而北流注

於渭渭水又東出崆峒入新陽川逕新陽下城南溪

谷赤蒿二水並出南山東北入渭水渭水又東與新

陽崖水合即隴水也東北出隴山

隴山在今隴州西北六十里清水縣

東北九十里

其水西流逕隴右瓦亭南隗囂聞略陽陷使

牛邯守瓦亭即此亭也其水亦出隴山東南流歷瓦

亭北又西南合為一水謂之瓦亭川

在今秦州境

西南流

逕清賓溪北又西南與黑水合水出黑城北西南逕

黑城西西南流莫吾南川水注之水東北出隴垂西

南流歷黑城南注黑水黑水西南出懸鏡峽又西南

入瓦亭川又有澁水自西東會世謂之鹿角口又南
逕阿陽縣故城東中平元年北地羗胡與邊章侵隴
右漢陽長吏蓋勲屯阿陽以拒賊即此城也其水又
南與燕無水合水源延發東山西注瓦亭水瓦亭水
又南左會方城川西注瓦亭水瓦亭水又南逕成紀
縣東歷長離川謂之長離水右與成紀水合源尊西
北當亭川東流出破石峽津流遂斷故瀆東逕成紀

縣

明一統志成紀廢縣在秦州漢置縣屬天水郡晉以後皆因之今省入秦州

故帝太皞

庖犧所生之處也漢氏以為天水縣王莽之阿陽郡
治也又東潛源隱發通之成紀水東南入瓦亭川
水又東南與受渠水相會水東出大隴山西逕受渠
亭北又西南入瓦亭川水又西南流歷僵人峽路
側巖上有死人僵尸巖穴故岫壑取名焉釋鞍就穴
直上可百餘仞石路逶迤劣通

劣薄也僅僅不足之
辭宋書劉懷貞傳劣

通車
帖

單步僵尸倚窟枯骨尚全唯無膚髮而已訪其

川居之士云其鄉中父老作童兒時已聞其長舊傳

此當是數百年骸矣其水又西南與略陽川水合水
出隴山香谷西西流右則單溪西注左則閣水入焉
其水又西歷蒲池郊石魯水出東南石魯溪西北注
之其水又西入略陽川西得破社谷水次西得平相
谷水又西得金里谷水又西得南室水又西得蹄谷
水並出南山北流於略陽城東揚波北注川水又西
逕略陽道故城北

今陝西漢中府有略陽縣乃漢沮
縣屬武都郡恐非此略陽也此當

在鞏昌
府界中

渥渠水出南山北逕渥峽北入城建武八年

中郎將來歛與祭遵所部護軍王忠右輔將軍朱寵將二千人皆持鹵刀斧從番須圍中伐樹木開山道至略陽夜襲擊囂拒守將軍金梁等皆殺之因保其城隗囂聞略陽陷悉衆以攻歛激水灌城光武親將

囂走西城世祖與來歛會於此

後漢書來歛傳建武八年春歛與征虜將

軍祭遵襲畧陽遵道病分精兵隨歛合二千餘人伐山開道從番須圍中徑至略陽斬囂守將金梁因保其城囂大驚曰何其神也乃悉兵圍之斬山築隄激水灌城歛與將士固死堅守囂盡銳攻之自春至秋士卒疲弊帝乃大發關東兵自將上隴囂衆潰走圍解於是置酒高會勞賜歛班坐絕席位諸將之右注

曰番須圍
中皆地名

其水自城北注川一水二川盖囂所竭以

灌略陽也川水西得白陽泉又西得蒲谷水西得蒲

谷西川又西得龍尾溪水與渭

何氏云
疑作蒲

谷水合俱出

南山飛清

疑作
流

北入川水又西南得水洛口水源東

導隴山西逕水洛亭西南流又得犢奴水口水出隴

山西逕犢奴川又西逕水洛亭南西北注之亂流西

南逕石門峽謂之石門水西南注略陽川略陽川水

又西北流入瓦亭水瓦亭水又西南出顯親峽石岩

水注之水出北山山上有女媧祠庖犧之後有帝女媧焉與神農為三皇矣其水南流注瓦亭水瓦亭水

又西南逕顯親縣故城東南

在今秦州東南

漢封大鴻臚竇

固為侯國自石岩次得蝦蟆溪水得金黑水又得宜都溪水咸出左右參差相入瓦亭水又東南合安夷川口水源東出更胡谷西北流歷夷水川與東陽川水會謂之取陽交又西得何岩川水又西得羅漢水並自東北西南注夷水夷水又西逕顯親縣南西注

瓦亭水瓦亭水又東南得大華谷水又東南得折里
溪水又東得六合水皆出近溪湍峽注瓦亭水又東
南出新陽峽崖岫壁立水出其間謂之新陽崖水又
東南流於渭是也

又東過上邽縣

渭水東歷縣北封

當作邽元和志云渭水在秦州上邽縣北十三里西自伏羗縣界流

入按今秦州西南有上邽故城封山本邽山後魏避其主珪姬名改上邽曰上封山亦隨而變山之

陰逕固嶺北東南流蘭渠川水出自北山帶佩衆溪

南流注於渭渭水東南與神澗水合開山圖所謂靈泉池也俗名之為萬石灣淵深不測實為靈異先後漫遊者多懼其斃渭水又東南得歷泉水北歷泉溪東南流注於渭渭水又東南出橋西亭西又南得藉水口水出西山百澗羣流摠成一川東歷當亭川即當亭縣治也左則當亭水注之右則曾席水又東與大弁川當作川水出西山此處疑有訛脫或當作又東與大弁川水合水出西山

二源合注東歷大弁川東南流注於藉水

在今秦州南

藉

水又東南流與竹嶺水合水出南山竹嶺二源同瀉
東北入藉水藉水又次東北入上邽縣左佩五水東
會占溪水次東有大魯溪水次東得小魯谷水次東

有楊反谷水咸自北山注離注藉水

宋本無離
注二字

藉水

右帶五水竹嶺東得亂石溪水次東得水門谷水次
東得羅城溪水次東得山谷水皆導源南山北流入
藉水藉水又東黃瓜水注之其水發源黃瓜西谷東
流逕黃瓜縣北又東清溪白水左右夾注又東北大

旱谷水南出旱溪歷澗北流泉溪委漾同注黃爪水

黃爪水又東北歷赤谷咸歸於藉藉水又東

宋本有合字

毛泉谷水又東逕上邽城南又得覈泉水並出南山

北流注於藉藉水即洋水也北有濛水注焉水出縣

西北邽山翼帶衆流積以成溪東溪

宋本作東流

南屈逕

上邽縣故城西側城南出上邽故邽戎國也秦武公

十年伐邽縣之舊天水郡治五城相接北城中有湖

水

今名天水湖在秦州南七里其水冬夏無增減

有白龍出是湖風雨隨之

故漢武帝元鼎三年改為天水郡其鄉居悉以板蓋
屋詩所謂西戎板屋也濛水又南注藉水山海經曰
邽山濛水出焉而南流注於洋謂是水也藉水又東
得陽谷水又得宕谷水並自南山北入於藉藉水又
東合段溪水出西南馬門溪東北流合藉水藉水又
東入於渭渭水又歷橋亭南而入綿諸縣東今西和
縣東北
五十里有
綿諸故城與東亭水合亦謂之為橋水也清水又或
為通稱矣水源東發小隴山衆川瀉浪一本作衆
川瀉注統

成一水西入東亭川為東亭水與小祇大祇二水合
又西北得南神谷水三川並出東南差池瀉注又有
埋蒲水翼帶二川與延水並西南注東亭水東亭水
又西右則曠溝水次西得麴谷水水側出東南二溪
西北流注東亭川水右則溫谷水出小隴山又西蒞
谷水出南北蒞溪西南注東亭川水東亭川水又西
得清水口清水導源東北隴山一宋本源俱發西南
出龍口一作谷合成一水西南流磨細野峽逕清池谷

又逕清水縣故城東

清水縣今屬鞏昌府

王莽之識睦縣矣其

水西南合東亭川謂之清水又逕清水城南又西與

秦水合水出東北大隴山秦谷二源雙導歷三泉合

成一水而歷秦川川有育故亭秦仲所封也秦之為

號始自是矣秦水西逕降隴縣故城南

按漢志隴縣屬天水郡無

所謂降隴縣者降字疑衍

又西南自亥松多

上下疑有脫文譌字

二水出隴

山合而西南流逕降隴城北又西南注秦水秦水又

西南歷隴川逕六槃口過清水城西南注清清

宋本兩清

字下俱有水字

上下咸謂之秦川又西羗水注焉水北出羗

谷引納衆流合以成溪澁水星會

句有謬誤

謂之小羗水

西南流左長谷水西南注之右則東部水東南入焉

羗水南入清水清水又西南得綿諸水口其導源西

北諸溪東南與長思水

疑漏合字

北出思溪南入綿諸水

又東南歷綿諸故道北東南入清水清水東南注渭

渭水又東南合涇谷水水出西南涇谷之山東北流

與橫水合水出東南橫谷西北逕橫水壙

上下有謬脫

入

西北涇谷水亂流西北出注谷峽又西北軒轅谷水

注之水出南山軒轅溪南安姚瞻以為黃帝生於天

水在上邽

原本
訛邽

城東七十里軒轅谷皇甫謐云生壽

邱邱在魯東門北未知孰是也其水北流注涇谷水

又西北白城谷溪東北流白娥泉水出其西東注白

城水白城水又東北入涇谷水谷水又東北歷董亭

下楊難當使兄子保宗鎮董亭即是亭也其水東北

流注於渭山海經曰涇谷之山涇水出焉東南流注

於渭是也渭水又東伯陽谷水入焉水出刑馬之山

伯陽谷北流白水出東南白溪水西北注伯陽水伯

陽水又西北歷谷引控羣流北注渭水又東歷大利

又東南流猶

當作苗地道記云有三苗所處故曰苗谷

谷水注之

涇谷伯陽

谷苗谷並在
今清水縣界

水出南

疑當作
南出

刑馬山北歷平作西

疑

北逕苗谷屈而東逕伯陽城南謂之伯陽川蓋李耳

西入往逕所由故山原畎谷往往播其名焉渭水東

南流衆川瀉浪邊次鳴注左則伯陽東溪水注之次

東得望松水次東得毛六溪水次東得皮周谷水次
東得黃杜東溪水並出北山南入渭水其右則胡谷
水東得北谷水次東得北谷東溪水次東有銅岩谷
水並出南山東北注渭渭水又東南出石門度小隴
山逕南由縣南東與楚水合世所謂長蛇水水出刑
項本作汧縣之數歷山也南流逕長蛇戍東魏和平三年
築徙諸流民以遏隴寇楚水又南流注於渭闕駟以
是水為沂水言宋本又東沂汧二水入焉按漢地

志沂水出沂縣西北

元和志秦州清水縣有小隴山一名隴坻入隴州南由縣渭水

在縣南四十里按今鳳翔府隴州東南百二十里有南由故城本漢沂縣後魏析置闕駟十三

州志與此同復以沂水為龍魚水蓋以其津流逕通而更攝其通稱矣水東入散關抱朴子神仙傳曰老子西出關關令尹喜候氣知真人將有西遊者遇老子彊令之著書耳不得已為著道德二經謂之老子書也有老子廟于寶搜神記云老子將西入關關令尹喜好道之士覩真人當西乃要之途也皇甫士安

高士傳云老子為周柱下史及周衰乃以官隱為周

守藏室史積八十餘年好無名接

何氏云好無名接難解

而世

莫知其真人也至周景王十年孔子年十七遂適周

見老聃

此據孔子世家而言索隱曰莊子云孔子年五十一南見老聃蓋系家亦依此為說而不

究其旨遂俱誤也何者孔子適周豈訪禮之時即在十七耶且孔子見老聃云甚矣道之難行也此非十七之人語乃既

仕之後言耳

然幽王失其道平王東遷關以捍移

人以職徙尹喜候氣非此明矣而往還所由茲焉或

可渭水又東逕西武功北俗以散關城

宋本

非也褚

先生乃曰武功扶風西界小邑也蜀口棧道近山無

他豪易高者是也渭水又與其扞水合水

疑漏出字

周道

谷北逕武都故道縣之故城西王莽更名曰善治也

故道縣有怒特祠列異傳曰武都故道縣有怒特祠

云神本南山大梓也昔秦文公二十七年伐之樹瘡

隨合秦文公乃遣四十人持斧斫之猶不斷疲士一

人傷足不能去卧樹下聞鬼相與言曰勞攻戰乎其

一曰足為勞矣又曰秦公必持

一作持

不休答曰其如

我何又曰赤灰跋於子何如乃默無言卧者以告令

士皆赤衣隨所所以灰跋樹斷化為牛入水故秦為

立祠

史記秦本紀文公二十七年伐南山大梓豐大持徐廣曰今武都故道有怒特祠圖大牛上生

樹本有牛從木中出後見於澧水之中正義曰括地志云大梓樹在岐州陳倉縣南十里倉山上錄異傳

云秦文公時雍南山有大梓樹文公伐之輒有大風雨樹生合不斷時有一人病夜往山中聞鬼語曰秦

若使人被髮以未絲縛樹伐汝汝得不因耶樹神無言明日語聞公如其言伐樹斷有一青牛出走入豐

水中其後牛出豐水中使騎擊之不勝有騎墮地復上疑解牛畏之不出故置髦頭漢魏晉因之武都郡

立怒特祠是大梓牛神也按今俗畫青牛障是
其水又東北歷大散關
在今寶雞

縣南五十二里
通褒斜大路

而入渭水也渭水又東而又合南山

五溪水諸澗流注之也

又東過陳倉縣西

今為鞏昌府寶雞縣其故城在縣東
二十里有二城相連上城秦文公築

下城魏將
邴昭築

縣有陳倉山山上有寶雞鳴祠昔秦文公咸伯

上下
疑有

譌脫朱云當作文公感伯道之言然此事見于晉太
康地志及搜神記而二書中俱無所謂伯道其人

知朱本何
據云然

之言遊獵於陳倉遇之於此坂得若石焉

其色如肝城如

上下疑有譌脫
朱云一作歸而

寶祠之故曰陳寶其

來自東南暉煌聲若雷野雞皆鳴故曰雞鳴神也

史記秦本紀文公十九年得陳寶索隱曰按漢書郊祀志云文公獲若石云於陳倉北坂城祠之其神來

若雄雉其聲殷殷云野雞夜鳴以一牢祀之號曰陳寶又臣瓚云陳倉縣有寶夫人祠歲與葉君神會也

蕪林云寶如石似肝云語辭正義曰括地志云寶雞神在岐州陳倉縣東二十里故陳倉城中晉太康

地志云秦文公時陳倉人獵得獸若鼠不知名牽以獻之逢二童子童子曰此名為媯常在地中食死人

腦即欲殺之拍捶其首媯亦語曰二童子名陳寶得雄者王得雌者霸陳倉人乃逐二童子化為雉雌上

陳倉北坂為石秦祀之搜神記云其雄者飛至南陽其後光武起於南陽皆如其言也

地理志

曰有上公明星黃帝孫舜妻育冢有羽陽宮秦武王

起按漢志右扶風陳倉有上公明星黃帝孫舜妻育冢有羽陽宮秦武王起也應劭曰縣

氏陳山姚睦曰黃帝都陳言在此榮氏開山圖注曰

伏羲生成起當從宋本起徙治陳倉也帝王世紀曰

紀今天水郡有成紀縣魏明帝遣將軍太原郝昭營宋本陳倉作築

城成諸葛亮圍之亮使昭鄉人靳詳說之不下亮以

數萬攻昭千餘人以雲梯衝車地道逼射昭昭以火

射連石拒之亮不利而還今灑水對亮城是與昭相

禦處也陳倉水出於陳倉山下東南流注於渭水渭

水又東與陽溪合其水上承斜水水自斜谷分注綏陽溪北屆陳倉入渭故諸葛亮與兄瑾書曰有綏陽小谷雖山岨絕重溪水縱橫難用行軍者邏候往來要道通人今使前軍斫治此道以向陳倉足以扳連賊勢使不得分兵東行者也渭水又東逕郁夷縣故城南

郁夷故城在隴州西五十里

地理志曰有汧水祠王莽更之

曰郁平也東觀漢記曰隗囂圍來歙於略陽世祖詔曰桃花水出船檣皆至郁夷陳倉分部而進者也汧

水入焉

沂水今名沂河在隴州治西南源出沂山流逕沂陽縣至寶雞縣東入渭

水出沂

縣之蒲谷鄉弦中谷決為弦蒲藪爾雅曰水決之澤

為沂沂之為名實兼斯舉水有二源一水出縣西山

世謂之小隴山

在今隴州西

巖嶂高峻不通軌轍故張衡

四愁詩曰我所思兮在漢陽欲往從之隴坂長其水

東北流歷澗注以成淵潭深不測出五色魚俗以為

靈而莫敢操

宋本作採

捕因謂是水為龍魚水自下亦通

謂之龍魚川川水東逕沂縣故城北

沂縣今為鞏昌府隴州

史

記秦文公東獵汧田因遂都其地是也

史記秦本紀文公三年東

獵四年至汧渭之會曰昔周邑我先秦嬴於此後卒獲為諸侯乃卜居之占曰吉即營邑之

又東

歷澤亂為一右曰龍泉泉逕五尺源流舊

一作奮

通淪

漪四泄東北流注於汧汧水又東會一水發南山西

側俗以此山為吳山三峰霞舉疊秀雲天崩巖傾返

山頂相捍望之恒有落勢地理志曰吳山在縣西古

之汧山也國語所謂虞矣山下石穴廣四尺高七尺

水溢石空

一作穴

懸波側注滿

滿上疑有脫字

漭盪發源穴

宋本

作成川北流注於汧自水會上下咸謂之龍魚川汧水

又東南逕隃麋縣故城南在今汧陽縣三十里王莽之扶亭也

昔郭歛恥王莽之徵而遁跡於斯建武四年光武封

耿沉為侯國矣後漢書耿弇父況為上谷太守與彭寵同擊王郎封隃麋侯此云耿沉誤

汧水東南歷慈山東南逕郁夷縣逕平陽故城南史

記秦寧公二年徙平陽徐廣曰故郁之平陽亭也城

北有漢邠州刺史趙融碑靈帝建安元年立汧水又

東流於渭水渭水之右碯溪水在今寶雞縣東南八十里注之水

出南山茲谷乘高激流注於溪中溪中有泉謂之茲
泉泉水潭積自成淵渚即呂氏春秋所謂太公釣茲
泉也今人謂之几谷石壁深高幽隍邃密林障秀阻
人迹罕交東南隅有石室蓋太公所居也水流次平
石釣處即太公垂釣之所也其投竿蹠餌兩膝遺跡
猶存是有磻溪之稱也其水清冷神異北流十二里
注於渭北去維堆城七十里渭水又東逕石源即北
原也青龍二年諸葛亮出斜谷與司馬懿屯渭南雍

金史地理志卷十七
州郭淮策亮必爭北原而屯遂先據之亮至渭水又

逕五丈原北

魏志郭淮傳青龍二年諸葛亮出斜谷並田於蘭坑是時司馬宣王屯渭南淮

策亮必爭北原宜先據之宣王善之遂屯北原壁壘未成蜀兵大至據此當云亮兵果大至今但云亮至

疑有脫譌魏春秋曰諸葛亮據渭水南原司馬懿謂諸將

曰亮若出武功依山東轉者是其勇也若西上五丈

原諸君無事矣

石源五丈原並在郿縣西

亮果屯此原與懿相禦

渭水又東逕郿縣故城南

郿縣故城在今縣東北十五里

地理志曰

右輔都尉治魏春秋諸葛亮寇郿司馬懿據郿拒亮

即此縣也

水經注集釋訂訛卷十七

欽定四庫全書

水經注集釋訂訛卷十八

歸安沈炳巽撰

渭水中

又東逕武功縣北

武功今屬西安府故城在郿縣東四十里

渭水於縣斜水自南注之水出縣西南衙嶺山北歷

斜谷逕五丈原東

在今郿縣西三十里

諸葛亮與步騭書曰僕

前軍在五丈原原在武功西十里餘水出武功縣故

亦謂之武功水也是以諸葛亮表云臣遣虎步監孟
琰據武功水東司馬懿因水長攻琰營臣作竹橋越
水射之橋成馳去其水北流注於渭地理志曰斜水
出衙嶺北至郿注渭水又東逕馬冢北諸葛亮與步
騭書曰馬冢在武功東十餘里有高勢攻之不便是
以留耳渭水又逕武功縣故城北王莽之新光也地
理志曰縣有太一山古文以為終南杜預以為中南
也亦曰太白山在武功縣南去長安二百里不知其

高幾何俗云武功太白去天三百山下軍行不得鼓
角鼓角則疾風雨至杜彥達曰太白山南連武功山
於諸山最為秀傑冬夏積雪望之皓然山上有谷春
祠春櫟陽人成帝時病死而尸不寒後忽出櫟南門
及光門上而入太白山民為立祠於山嶺春秋來祠
中山宋本
作止宿焉山下有太白祠民所祀也劉曜之世

是山崩長安人劉終於崩

此處有脫謫今附錄劉終
得玉事 十六國春秋前

趙錄劉曜光初四年終南山崩長安人劉終於崩所
得白玉方一尺有文字曰皇亡皇亡敗趙昌井水竭

楛五梁弓西小袁困器喪鳴呼嗚呼赤牛
香劑其盡乎羣臣咸賀以為勅滅之徵而左會左

陽水世名西水北出左陽溪南流逕岐州城西魏置

岐州刺史治左陽水又南流注於雍水雍水又與東

水合俗名也北出河

宋本作俗名
之北水出河

桃谷南流右會南

源世謂之返眼泉亂流南逕岐州城東而南合雍水

州居二水之中南則兩川之交會也世亦名之為涿

空水東流鄧公泉注之水出鄧艾祠北故名曰鄧公

泉數源俱發於雍縣城南

雍縣今為
同翔府治

縣故秦德公所

居也晉書地道記以為西虢地也漢書地理志以為

西虢縣太康記曰虢叔之國矣有虢宮平王東遷叔

自此之上陽為南虢矣雍有五時祠以上祠五帝昔

秦文公田於汧渭之間

史記秦本紀秦之先非子居犬丘周孝王召使主馬於汧

渭之間馬大蕃息人封禪書文公十六年東獵汧渭之間

夢黃蛇自天屬地其

口止於廊衍以為上帝之神於是作廊時祠白帝秦

宣公作密時於陳倉北坂祀青帝焉靈公又於吳陽

作上時祀炎帝焉獻公作畦時祀赤帝焉漢高帝問

曰天有五帝今何四也博士莫知其故帝曰我知之

矣待我而五遂立北時祀黑帝焉

史記封禪書秦文公夢黃蛇自天下

屬地其口止於郿衍又獲陳寶於陳倉北坂城作郿時祭白帝焉秦宣公作密時於渭南祭青帝秦靈公作吳陽上時祭黃帝作下時祭炎帝秦獻公時櫟陽兩金自以為得金瑞故作畦時而祀白帝漢二年高

祖立黑帝祠命曰北時

應劭曰四面積高曰雍闕駟曰宜為神

明之隩故立羣祠焉又曰鳳臺鳳女祠秦穆公時有簫史者善吹簫能致白鵠孔雀穆公女弄玉好之公為作鳳臺以居之積數十年一旦隨鳳去云雍宮世

有簫管之聲焉今臺傾祠毀不復然矣

列仙傳蕭史者秦穆公時

人也善吹簫能致孔雀白鶴於庭穆公有女字弄玉好之公遂以女妻焉日教弄玉作鳳鳴居數年吹似

鳳聲鳳凰來止其屋公為作鳳臺夫婦止其上居不下數年一旦皆隨鳳凰飛去故秦人為作鳳女祠於

雍宮中時有簫聲而已鄧泉東流注於雍自下雖會他津猶得

通稱故禹貢有雍沮會同之文矣雍水又東逕邵

邵

本俱俱邵亭南世謂之樹亭川蓋邵樹聲相近誤耳亭故

邵公之菜邑也京相璠曰亭在周城南五十里後漢

郡國志曰郡

當作郡今屬鳳翔府

縣有邵亭謂此也雍水又東

南流與杜水合水出杜陽山其水南流謂之杜陽川
東南流左會漆水水出杜陽縣之漆溪謂之漆渠故
徐廣曰漆水出杜陽之岐山者是也漆渠水南流大
藥水注之出西北大道川東南流入漆即故岐水也
淮南子曰岐水出石橋山東南流相如封禪書曰牧
龜於岐史記相如傳作獲周餘珍牧龜於岐漢書作
獲周故龜於岐文頴注曰周故畜餘龜於池
沼之中至漢得之於岐
山之旁此云牧龜誤漢書音義曰岐水名也謂斯
水矣二川洋逝俱為一水南與杜水合俗謂之小黃

水

朱云當作
小橫水

亦或名之米流川逕岐山而又屈逕周

城南城在岐山之陽而近西所謂居岐之陽也非直

因山致名亦指水取稱矣又歷周原下北則中水鄉

成周聚故曰有周也水北即岐山矣昔秦盜食穆公

馬處也

呂氏春秋秦穆公失其乘馬見野人方將食於岐山之陽公曰食驂馬之肉而不還飲酒

者恐傷女也於
是偏飲而去

岐水又東逕姜氏城南為姜水按世

本炎帝姜姓帝王世紀曰炎帝神農氏姜母安登謝云

姜母安登宋本作母曰姜妣朱謀埠云謝引
宋本亦誤據世紀當作神農氏姜姓母安登

遊華陽

感神而生炎帝長於姜水水合而東逕美陽縣之中

亭川水也

今西安府武功縣西北二十五里有美陽故城今鳳翔府扶風縣是其地也

水

發杜陽縣大嶺側世謂之赤泥峴汭波歷澗俗名大

橫水也疑即杜水矣其水東南流東逕杜陽故城

今鳳

翔府麟縣乃漢杜陽縣地

東西三百步南北二百步世謂之故縣

川又故縣有杜陽山山北有杜陽谷有地穴北入亦不知所極在天柱山南故縣取名焉亦指是水而攝目矣即王莽之通杜也故地理志曰縣自杜水東二

坑水注之水有二源一水出西北瀆隄水二合而東

此句疑有謬脫

歷五將山又合鄉谷水水出鄉溪東南流入

杜謂之鄉谷川又南英水注之水出好時縣梁山

嶺泉南逕梁山宮西故地理志曰好時有梁山宮秦

始皇起水東有好時縣故城王莽之好邑也世祖建

武二年封建威大將軍耿弇為侯國又南逕美陽縣

之中亭川注雍水謂之中亭水又南逕美陽縣西永

元二年更封鄣雍侯耿秉為侯國

後漢書耿弇傳耿秉於章帝章和二

年封美陽侯今云和帝永元二年誤且原亦無鄠
雍之封而云更封鄠雍侯者不知何據所未詳也其

水又南流注於渭渭水又東逕鄠塢南在今鄠縣東北十五里

漢獻帝傳曰董卓發卒築鄠塢高與長安城等積穀

為三十年儲自云事成雄據天下不成守此足以畢

老其愚如此渭水之東洛谷之水出其南山洛谷北

流逕長城西魏甘露三年蜀遣姜維出洛谷圍長城

即斯地也

又東苾水從南來流注之

宋本據宋本補注八十五字今從之苾水在今藍屋縣

南東

芑水出南芑谷北流逕玉女房水際山側有石室世謂之玉女房芑水又北逕蓋屋縣之竹園中分為二水漢冲帝詔曰翟義作亂於東霍鴻負倚蓋屋芑竹即此也其水分為二流一水之東北為枝流一水北流注於渭也

水經注集釋訂訛卷十八

欽定四庫全書

水經注集釋訂訛卷十九

歸安沈炳巽撰

渭水下

渭水又東過槐里縣南

今為西安府興平縣故城在縣東南十一里

又東滂

水從南來注之

明一統志滂水出郿縣南山滂谷合則水流至長安縣界入潯水

渭水逕縣之故城南漢書集注李竒謂之小槐里之

西城也又東與苾水枝流合水受苾水於竹園東北

流又屈而入渭

宋本作又屈西北入於渭

渭水又東北逕黃山宮南

在今興平縣西南三十里元和志渭水南去興平縣二十

里九

即地理志所云縣有黃山宮惠帝三年

漢志作二年

起者

也東方朔傳曰武帝微行西至黃山宮故世謂之遊

城非也

就水注之

水出南山就谷北逕大陵西世謂之老子陵昔李耳

為周柱下史以世衰入戎於此有家事非經證然莊
周著書云老聃死秦佚弔之三號而出是非不死之
言人稟五行之精氣陰陽有終變亦無不化之理以
是推之或復如傳古人許以傳疑故兩存耳就水歷
圃朱本云疑謠
或是陵字北與黑水合上承三泉就水之右三
泉竒發言歸一瀆北流左逕就水就水又北流注於
渭

渭水又東合田溪水

水出南山田谷北流長楊宮西又北逕蓋屋縣故城

西

今屬西
安府

又東北與一水合水上承蓋屋南

疑有
諱字南

泉北逕其縣東又北逕思鄉城西又北注田溪田溪

水又北流注於渭水也縣北有蒙龍源上承渭水於

郿縣

今屬鳳
翔府

東逕武功縣

今屬西
安府

為成林源東逕縣

苑亦曰靈軹源河渠以引堵水徐廣曰一作諸水是也

渭水又東逕槐里縣故城南

縣故犬丘邑也周赧王都之秦以為廢丘

按帝王世紀及世本

並云懿王自鎬徙都犬丘宋衷注云犬丘一名廢丘今槐里是也史記亦云懿王嘗居於犬丘此云赧王

誤

亦曰舒北和平元年桓帝封左中郎將皇甫嵩為

侯國

後漢書皇甫嵩傳靈帝中平元年封槐里侯今云桓帝和平元年誤

縣南對渭水

北背通渠史記秦本紀云

原本去

秦武王三年渭水赤

三日秦昭王三十四年渭水又大赤三日

秦武王三年渭水赤

見秦始皇本紀後重叙秦世系中而昭王三十四年渭水又大赤三日句無從查核豈古本有此而今無

之耶所不解矣

洪範五行傳曰赤者火色也水盡赤以火沴

水也渭水秦大川也陰陽亂秦用嚴刑敗亂之象後
項羽入秦封司馬欣為塞王都櫟陽董翳為翟王都

高奴章邯為雍王都廢丘居槐里

項羽分封時未有槐里之名至漢三

年始更名則此三字疑衍

為三秦漢祖北定三秦引水灌城遂滅

章邯三年改曰槐里王莽更名槐治也世謂之為大

槐里晉大康中始平郡治也其城迤帶防陸舊渠尚

存即漢書所謂槐里環隄者也東有涌水

宋本作漏水

出

南山赤谷東北流逕長楊宮東宮有長楊樹因以為

名渭水

宋本作
漏水

又北逕葦園西亦謂之仙澤又北逕

望仙宮又東北耿谷水注之水發南山耿谷北流與

柳泉合東北逕五柞相去八里並以樹名宮亦由陶

氏以五柳立稱故張晏曰宮有五柞樹在蓋屋縣西

一作
矣

其水北逕仙澤東北又逕望仙宮東又北與赤

水會又北逕思鄉城東又北注渭水

渭水又東合甘水

水出南山甘谷北逕秦文王墳

原本
謫負

陽宮西又北逕

五柞宮東又北逕甘亭西在

在上疑有亭字

水東鄠縣昔夏

啟伐有扈作誓於是亭故馬融曰有扈甘南

何氏校改甘字

在有扈上郊地名也甘水又東得澇水口水出南山澇谷

北逕漢宜春觀又東北逕鄠縣故城西

鄠縣今屬西安府故城在

今縣北二里元和志渭水北去鄠縣一十七里

澇水際城北出合漢陂水水

出宜春觀北東北流注澇水北流入於渭即上林故

地也東方朔稱武帝建元中微行北至池陽西至黃

山南獵長楊東遊宜春夜漏十刻乃出於外

宋本作與侍中

侍常中常侍武騎待詔及隴西北地良家子能騎射者

期諸殿下

按東方朔傳作殿門

故有期門之號旦明入山下馳

射鹿豕狐兔手格熊羆上大驪樂之上仍使太中大

夫虞丘壽王

孫云虞丘即吾丘古字通

與待詔能用竿

古竿字

者舉

措

按傳當作籍師古曰舉計其數而為簿籍也

阿城以南盤屋以東宜春

以西提封頃畝及其賈宜

按傳當作直

屬之南山以為上

林苑東方朔諫秦起阿房而天下亂因陳泰階六符之事上乃拜太中大夫給事中賜黃金百斤卒起上

林苑故相如請為天子遊獵之賦稱烏有先生亡是公而奏上林也

又東豐水從南來注之

地說云渭水又東與豐水會於短陰山

按豐水今自長安縣界西

北流逕咸陽縣南三里注於渭元和志咸陽縣渭水南去縣三里短陰原在縣西南二十里蓋即短陰山也秦中諸原類皆有山體故或謂之山不必峭拔也內水會無他高山異巒所

有唯原阜石激而已水上舊有便門橋與便門對直武帝建元三年造張昌曰橋在長安西北茂林東如

淳曰去長安四十里渭水又逕太公廟北前有太公
碑文字褫缺今無可尋

渭水又東北與鎬水合

在今咸陽縣界

水上承鎬池於昆明池北周武王之所都也故詩云
考卜維王宅是鎬京維龜正之武王成之自漢帝穿
昆明池於是基構淪褫今無可究春秋後傳曰使者

鄭客

鄭客宋本水經及搜神記太平廣記俱作容此云客恐誤

入柏谷關至平舒

置見華山有素車白馬問鄭客安之答曰之咸陽曰

吾華山君使願託書致鄆池君子之咸陽過鎬池見
大梓下有文石取以款扣梓當有應者以書與之勿
妄發致之得所欲鄭客行至鄆池見一梓下果有文
石取以款梓應曰諾鄭客如睡覺而見宮闕若王者
之居焉謁者出受書入又見頃聞語聲言祖龍死神
道茫昧理難辨測故無以精其幽致矣鄆水又北流
西北注與灑池合水出鄆池西而北流入於鄆毛詩
云灑流浪也而世傳以為水名矣鄭玄曰豐鄆之間

水北流也鎬水北逕漢靈臺西又逕磁石門西門在

阿房前悉以磁石為之故專其目合欵作四夷朝者

有隱甲懷及入門而脅之以示神三輔黃圖云阿房宮以磁石為門懷

及止故亦曰却胡門也鎬水又北逕於渭渭水北有

杜郵亭去咸陽十七里今為孝里亭中有白起祠嗟

乎有制勝之功慙尹商之仁是地即其伏劍處也辛氏

三秦記曰畢陌西北有孝里畢陌西有白起墓蒲岳西征賦云索杜郵其馬在云孝里之前號惘輟駕而

容與哀武安而興悼

渭水又東北逕渭城南

今為西安府咸陽縣故城在縣東北十七里

文穎以為故咸陽矣秦孝公之所居離宮也獻公都

櫟陽天雨金周太史儋見獻公曰周故與秦國合而

別別五百歲復合合七十歲而霸王出至孝公作咸

陽築冀闕而徙都之故西京賦曰秦里其霸實為咸

陽

按西京賦作秦里其稱薛綜注云里居也朔北也秦地居其北是曰咸陽

太史公曰長

安故咸陽也漢高帝更名新城武帝元鼎三年別為

渭城在長安西北渭水之陽王莽之京城也始隸扶

風後并長安

而沈

禹貢錐指沈一作瀉漢志鄠縣澧水出縣南又有瀉水皆北過上林苑入渭按瀉水入渭在長安縣

界
水注之

其水上承皇子陂於樊川其地即杜之樊鄉也漢祖至櫟陽以將軍樊噲灌廢丘最賜邑於此鄉也其水

西北流注杜縣之杜京西西北流逕杜伯塚南

在今長安

縣下杜城東南

杜伯與其友左儒仕宣王儒無罪見害杜伯

死之終能報恨於宣王故成公子安五言詩曰誰謂

鬼無知杜伯射宣王

國語云周之衰也杜伯射王於鄘墨子明鬼篇周宣王殺其臣

杜伯而不罪杜伯曰吾君殺吾而不罪若以死者為無知則止矣若死而有知不出三年必使吾君知之其後三年宣王合諸侯而田於圃田車數百乘從數千人滿野日中杜伯乘白馬素車朱衣冠執朱弓挾朱矢追宣王射入車上中心折脊墮車中伏殺而死史記曰周宣王殺杜伯而非其罪伯之友左儒爭之於王九復之而王不許王曰汝別君而異友也儒曰君道友逆則順君以誅友友道君逆則師友以違君王怒曰易而言則生不易則死儒曰士不枉義以從死不易言以求生臣能明君之過以正杜伯之無罪殺杜伯左儒死之汲冢瑣語云王之妻女鳩求逆杜伯杜伯不可女鳩反訴之王王囚杜伯伯之友左儒兒諫而不聽并殺之後

沈水又西北逕下杜城即杜

三年而杜伯射王矣

伯國也沈水又西北支合故渠渠有二流上承交水
合於高陽原而北逕河池陂東而北注沈水沈水又
北與昆明故池會又北逕秦通六基東又北逕竭水
陂東又北得陂承其陂東北流於沈水沈水又北逕
長安城西與昆明池水合水上承池於昆明臺故王
仲都所居也桓譚新論稱元帝被病廣求方士漢中
送道士王仲都詔問所能對曰能忍寒暑乃以昆明
池上環水而馳

桓譚新論作乃於盛寒日載以
駟馬車於昆明池上環水而馳

御者

厚衣狐裘寒戰而仲都獨無變色卧於池臺上暉然
自若夏大暑日使曝坐環以十爐火不言熱又身不
汗池水北逕鎬京東秦阿房宮西史記曰秦始皇三
十五年以咸陽之人多先王之宮小乃作朝宮於渭
南亦曰阿城也始皇先作前殿阿房上可坐萬人下
可建五丈旂周馳為閣道三輔黃圖作複道自殿直抵城南
山表山顛為闕為複道自阿房度渭屬之咸陽象天
三輔黃圖作太極閣道
道下朱本作絕漢三輔黃圖
無漢字作閣道抵營室也漢抵營

室也關中記曰阿房殿在長安西南二十里殿東西
千步南北三百步庭中受十萬人其水又屈而逕其
北東北流注竭水陂陂水北出逕漢武帝建章宮東
於鳳闕南東注沈水又北逕鳳闕東三輔黃圖曰建
章宮漢武帝造周二十餘里千門萬戶其東鳳闕高
七丈五尺當從三輔黃圖
作七十五尺俗言真女樓非也漢武帝
故事云闕高二十丈關中記曰建章宮圓闕臨北道
有金鳳在闕上高丈餘故號鳳闕也繁欽建章鳳闕

賦曰秦漢規模廓然毀泯唯建章鳳闕巋然獨存雖非象魏之制亦一代之巨觀也沈水又北分為二水

一水東北流一水北逕神明臺東傳子

上下疑有譌脫

宮室

曰上於建章中作神明臺并幹樓咸高五十餘丈皆作懸閣輦道相屬焉三輔黃圖曰神明臺在建章宮中上有九室今人謂之九子臺而實非也沈水又逕漸臺東漢武故事曰建章宮北有太液池池中有漸臺三十丈漸浸也為池水所漸一說星名也

朱本引晉天文

志云漸臺四星在織女東南臨水之臺也

南有壁門三層高三十餘丈中

殿十二間階陛咸以玉為之鑄銅鳳五丈飾以黃金

榭

宋本樓作榭

屋上椽首薄以玉辟因曰辟玉門也沈水又

北流注渭亦謂是水為滴水也故呂忱曰滴水出杜

陵縣漢書音義曰滴水聲而非水也亦曰高都水前

漢之末王氏五侯大治池沼引它水

當從宋本作引高都水

入

長安城故百姓歌之曰五侯初起曲陽最怒壞決高

都竟連五杜土山漸臺像西白虎即是水也

又東過長安縣北

渭水東分為二水廣雅曰水自渭出為渠其由

猶由古通

河之有雍也此瀆東北流逕魏雍州刺史郭淮碑南
又東南合一水逕兩石人北秦始皇造橋鐵鑿重不
勝故刻石作力士孟賁等像以祭之鑿乃可移動也
又東逕陽侯祠北漲輒祠之此神能為大波故配食
河伯也後人以為鄧艾祠悲哉讒勝道消專忠受害
矣渭水又東注此水水上有梁謂之渭橋秦制也亦

曰便門橋

元和志云在咸陽西南十里

秦始皇作離宮於渭水南

北以象天宮故三輔黃圖曰渭水貫都以象天漢橫

橋南度以法牽牛橋廣六丈南北二百八十步六十

八間七百五十柱北馮翊立之有

北下六字宋本無

一百二

十二梁橋之南北有隄激立石柱柱南京北立之柱

北馮翊立之有令丞各領徒一千五百人橋之北首

壘石水中故謂之石柱橋也舊有村留神象此神嘗

與魯班語班令其人

宋本作神

出村留曰我貌獐醜卿善

圖物容我不能出班於是拱手與言曰出頭見我村
留乃出首班於是以脚畫地村留覺之便還沒水故
置其象於水唯背以上立水上後董卓入關遂焚此
橋魏武帝遂更修之橋三丈六尺村留之象曹公乘
馬見之驚又命下之燕丹子曰燕太子丹質於秦秦
王遇之無禮乃求歸秦王為機發之橋欲以陷丹丹
過之橋不為發又一說交龍捧輦而機不發但言
疑有脫文今不知其故處矣

上下

渭水又東與沈水枝津合

水上承沈水東北流逕鄧艾祠南又東分為二水一水東入逍遙園注藕池池中有臺觀蓮荷被浦秀實可翫其一水北流於渭

渭水又逕長安城北

今西安府西北十三里有長安故城元和志中渭橋在咸陽縣東南

二十二里
本名橫橋

漢惠帝元年築六年成即咸陽也秦離宮無城故城之王莽更名常安十二門東出北頭第一門本名宣

平門王莽更名春王門正月亭亦曰東城門其郭門亦曰東都門即逢萌掛冠處也第二門本名清明門一曰凱門王莽更曰宣德門布恩亭內有藉田倉亦曰藉田門第三門本名霸城門王莽更名仁壽門無疆亭民見門色青又名青城門或曰青綺門亦曰青門門外舊出佳瓜昔廣陵人邵平為秦東陵侯秦破為布衣種瓜此門瓜美故世謂之東陵瓜是以阮籍詠懷詩曰昔聞東陵瓜近在青門外連畝拒阡陌子

毋相鈎帶指謂此門也南出東頭第一門本名覆盎

門王莽更名永清門長茂亭其南有下杜城應劭曰

故杜陵之下聚落也故曰下杜門又曰端門北對長

樂宮第二門本名安門亦曰鼎路門王莽更名光禮

門顯樂亭即西安亭北對未央宮三輔黃圖長安南出第三門曰西安

門北對未央宮云云據此則西安當是門名非亭名也即字亭字皆謬宋本有第三門三字本名

平門王莽更名信平門城三輔黃圖作誠城字謬正亭西出南

頭第一門本名章門三輔黃圖作章城門王莽更名萬秋門億

年亭亦曰光畢

三輔黃圖作華

門也又曰便門第二門本名

直門

三輔黃圖作直城門

王莽更名直道門端路亭故龍樓門

也張晏曰門樓有銅龍三輔黃圖曰長安西出第二

門即此門也第三門本名西城門亦曰雍門王莽更

名章義門著義亭其水北入有函

三輔黃圖作函

里氏名曰

函里門又曰光門亦曰突門

雍錄作突門

北出西頭第一

門本名橫門王莽更名霸都門左幽亭如淳曰橫音

光故曰光門其外郭有都門有棘門徐廣曰棘門在

渭北孟康曰在長安北秦時宮門也如淳曰三輔黃

圖曰棘門在橫門外按漢書徐厲軍於此備匈奴又

有通門亥門也其第二門本名洛門又曰朝門王莽

更名建子門廣世亭

按三輔黃圖長安城北第二門曰厨城門王莽更名建子門廣

世亭據此則此二句應
在厨門下錯簡於此

一曰高門蘇林曰高門長安

城北門也

舊本誤以鄜縣
註續此今改正

一曰厨門其內有長安厨

官在事故城曰厨門也如淳曰今名廣門也

按上王
莽更名

建子門廣世亭
二句應在此下

第三門本名杜門亦曰利城門王莽

更名進和門臨水亭其水有客舍故名曰客舍門又

曰洛門也凡此諸門通遠九達

疑當作通

三途洞開

隱以金堆

按漢書賈山傳論秦作馳道有隱以金堆之句服虔曰作壁如甬道隱築也以鐵錐

築之據此則此亦當作金椎若云堆便無解矣

周以林木左右出入為徒之

經

按三輔皇圖作為往來之徑玩文義徒字似難解蓋往字詭作徒字徑字詭作經字復脫去米字故

難解

耳行者升降有上下之別漢成帝之為太子元帝

常急召之太子出龍樓門不敢絕馳道西至直城門

方乃得度上恡遲問其故以狀對上悅乃著令令太

子得絕馳道也渭水東合昆明故渠渠上承昆明池
東口東逕河池北亦曰女觀陂又東合沈水亦曰漕
渠又東逕長安縣南東逕明堂南舊引水為辟雍處
在縣宋本無鼎路門東南七里其制上圓下方九宮
十二室四嚮五色堂北三百步有靈臺是漢平帝永
始四年立渠南有漢故園丘成帝建始二年罷雍五
時始祀皇天上帝於長安南郊應劭曰天郊在長安
南即此也故渠之北有白亭博望苑漢武帝為太子

立使通賓客從所好也太子巫蠱事發斫杜門東出

史良娣死葬於苑北宣帝以為戾園以倡優千人樂

思后園廟故亦曰于

宋本
作于

鄉故渠又東而北屈逕青

門外與沈水枝渠會渠上承沈水於章門西飛渠引

水入城東為滄池池在未央宮西池中有漸臺漢兵

起王莽死於此臺又東逕未央宮北高祖在關東令

蕭何成未央宮何斬龍首山而營之者山長六十餘

里頭於渭

按三輔黃圖
作頭入渭水

尾達樊川頭高二十丈尾漸

下高五六丈土色赤而堅云昔有黑龍從南山出飲渭水其行道因山成跡不假版築高出長安城北有玄武闕即北闕也東有蒼龍闕闕內有閭闔公車諸

門

公車古本作正車
玉海引作止車

未央殿東有宣室玉堂麒麟舍

章白虎鳳凰朱雀鸞鷲昭陽諸殿天祿石渠麒麟三閣未央宮北即桂宮也周十餘里內有明光殿走狗臺柏梁臺舊乘複道用相逕通故張衡西京賦曰鈎陳之外閣道穹窿屬長樂與明光逕北通於桂宮故

渠出二宮之間謂之明渠也又東歷武庫北舊樛里

子名疾秦惠王異母弟也滑稽多智秦人號曰智囊

塋於昭王廟西渭南陰鄉樛里

按史記樛里子傳曰樛里子疾室在於昭

王廟西陰鄉樛里此云塋恐誤沉下有塋於渭南章臺東句則此處當從史記作室在於為是故俗

謂之樛里子云我百歲後

史記作後百歲

是

史記是下有當字

有天

子之宮夾我墓穴以昭王七年卒塋於渭南章臺東

至漢長樂宮在其東未央宮在其西武庫直其墓秦

人諺曰力則任鄙智則樛里子也

史記無子字

明渠又東

逕漢高祖長樂宮北本秦之長樂宮也

三輔黃圖作興

周二

十里殿前列銅人殿西有長信長秋永壽永昌諸殿
殿之東北有池池北有層臺俗謂是池為酒池非也
故渠北有漢京兆尹司馬文預碑故渠又東出城分
為二渠即漢書所謂王渠者也蘇林曰王宮家渠也
猶今御溝矣晉灼曰渠名也在城東霸門外一水逕
楊橋下即青門橋也側城北逕鄧艾祠西而北注渭
今無水其一渠東逕奉明縣廣城鄉之廣明苑南史

皇孫及王夫人葬於郭北

下漏宣帝遷于苑南六宇

以為悼園益

園民千六百家立奉明縣以奉二園園在東都門昌

邑王賀自霸上御法駕郎中令龔遂參乘至廣明東

都門是也故渠東北逕漢太尉夏侯嬰冢西葬日樞

馬悲鳴輕車罔進下得石槨銘云佳城鬱鬱三千年

見白吁嗟滕公居此室遂葬焉冢在城東八里飲馬

橋南四里故時人謂之馬冢

按舊本脫誤今依禹貢
雖指所引依次排錄焉

音錐指曰渭水下篇自此以後多錯簡黃子
鴻披他書及州縣圖志悉為更定今從之

又東逕霸陵縣北霸水合澗水從西北流注之

按霸水入渭在

今咸寧縣界

霸者水上地名也古曰滋水矣秦繆公霸水

宋本作世潘岳

西征賦曰弘大順以霸世是也

更名滋水為霸水以顯霸功水出藍

田縣

今屬西安府西

藍田谷所謂多玉者也西北有銅公水

次東有輕谷水二水合而西注之又西流入渥水渥

水又西逕嶢關北歷嶢柳城東西有二城魏置清渥

軍於城內世亦謂之清渥城也秦二世三年漢祖入

自武關攻秦趙高遣將距於峽關者也魏土地記曰
藍田縣南有峽關地名峽柳道通荊州晉地道記曰
關當上洛縣西北渥水又西北流入霸 霸水又北
歷藍田川逕藍田縣也竹書紀年梁惠王三年秦子
向命為藍君蓋子向之故邑也川有漢臨江王榮冢
景帝以罪徵之將行祖於江陵北門車軸折父老泣
曰吾王不反矣榮至中尉郅都急切責王王年少恐
而自殺葬於是川有燕數萬銜土置冢上百姓矜之

事見史記
五宗世家

霸水又左合澹水歷白鹿原東即霸川之
西故芷陽矣史記秦襄王葬芷陽者也是謂之霸上
漢文帝葬其上謂之霸陵上有四出道以瀉水在長
安東南三十里故王仲宣賦詩云南登霸陵岍迴首
望長安漢文帝嘗欲從霸西馳下峻坂袁盎攬轡於
此處上曰將軍怯也盎曰臣聞千金之子坐不垂堂
百金之子立不倚衡聖主不乘危今馳不測如馬驚
車敗奈高廟何上乃止霸水又北長水注之水出杜

縣白鹿原其水西北流謂之荆溪

宋程大昌雍錄云漢城東二十里為

霸陵霸陵之西則澧水澧水至此則已合霸霸又北流別有長水者水經所載凡有三派其末皆自白鹿

原北入霸後因姚萇據有長安人為萇諱故改此水以為荆溪因此失其本名雖以顏師古之博而亦不

能是正故其注釋長水校尉則曰長水胡名也長安志曰又以源長為義也皆因舊誤不能覺也按史記

封禪書曰霸澧長水澧澆涇源皆非大川以近咸陽盡得比山川祠然則長之為名與渭配對則是元有

其名非因胡騎及源長立義也水之因姚萇而改名韋述兩京記實嘗言之矣宋次道長安志則亦知

之其後自出其說乃曰荆溪本名長水後避姚萇諱改名荆溪而兩存不立明辨故見者難遽明也荆

溪水又西北

疑脫

左合狗枷川水有二源西川上

承磈山之斫槃谷次東有苦谷二水合而東北流逕
風涼原西關中圖曰麗山之西川中有阜名曰風涼
原在磈山之陰雍州之福地即是原其水傍溪北注
原上有漢武帝祠其水右合東川水出南山之石門
谷孟谷次東有大谷次東有雀谷東有土門谷五水
北谷疑謠當是合或是會西北歷風涼原東又北與西川會原
為二水之會亂流北逕宣帝許后陵東而北去杜陵
十里斯川於是有狗枷之名川東亦曰白鹿原也上

有狗枷堡三秦記曰麗山西有白鹿原原上有狗枷堡秦襄公時有大狗來下有賊則狗吠之故一堡無

患故川得厥目焉川水又東逕杜陵東元帝初元元年葬宣帝杜陵北去長安五十里陵之西有杜縣故城秦武公十一年縣之漢宣帝元康元年以杜東原

上為初陵更名杜縣為杜陵也王莽之饒安也

宋程大昌

雍錄云杜縣與五代都城謹相並附故古事著迹此地者多也語謂城南韋杜去天尺五以其迫近帝都也今循杜縣地望從西及東以次言之庶其有倫也縣境西抵鄠縣東抵藍田故宣帝徵時上下諸陵尤

愛鄆杜之間杜即杜縣也鄆即鄆縣也境之最西抵
鎬鎬之東為東杜即彪池上流也彪池之北即鎬也
皇覽曰文王周公皆葬於畢畢鎬東之杜縣也鎬池
之東於唐為長安縣南則周杜伯國也秦武公滅杜
以杜國為杜縣縣之東有原名為東原宣帝以為已
陵故東原之地遂為杜陵縣也既有杜陵縣則名稱
與杜縣相混則遂改杜縣為下杜以別之或言杜縣
之東有杜原而此之下杜在其下方故以杜名此全
不審也凡世之名地而分上下者以水之上游下流
而言之也中國之水萬折必東故東地常居西地之
下流今杜縣正在杜陵之西而反為杜原下流者南
山凡水皆礙東地之高而皆西向豐鎬以行故杜陵
遂為杜縣上流而杜縣反名下杜也杜縣之北即漢
都城之覆盜門矣故此門一名杜門杜門即青門也
在漢都城為東面南來第一門即邵平種瓜之地也
宣帝既建杜陵又即縣南四十里塋許后故其地又

號少陵原也凡宜春下苑皆少陵地也其地亦為曲江曲江之北又為樂遊原及樂遊苑及漢宣帝樂遊廟也廟至唐世基迹尚存與唐之曲江芙蓉園芙蓉池皆相並也宇文愷為隋營大興城以京城東南地高不便故於城之東南存一坊穿芙蓉池以厭勝之杜甫樂遊園詩曰公子華筵地勢高秦川對酒平如掌秦川即樊川也坐中見得秦川則可知其高矣凡此皆古事之在杜境而推方可圖者也 其水

又北注荆溪荆溪又北入霸縣

疑當是水

又有溫泉入焉

水發自原下入荆溪水亂流注於霸俗謂之漉水非

也史記音義文帝出長安門注云在霸陵縣有故亭

即郡國志所謂長門亭也

雍錄云郊祀志曰文帝出長安門亭若見五人於道

遂立五帝壇如淳曰長門亭名也亭以門為名而非
城門之門也或者古來嘗有扼塞在此其門道尚在
如鴻門之門其斯以為門矣宋次道長安志乃曰按
長安城無名長門者此乃誤認門名而求之城門也
然史記封禪書曰帝出長安門見五人於道則雖司
馬遷亦誤長門亭為長安城門矣故圖經誤並城門
以求而漢都元疑史記云霸漑長水也疑雖不在祀典
長安門也

以近咸陽秦漢

疑漏所字

都涇渭長水盡得比大川之禮

昔文帝居霸陵北臨廁指新豐路示慎夫人曰此走

邯鄲道也因使慎夫人鼓瑟上自倚瑟而歌悽愴悲

懷顧謂羣臣曰以北山石為槨用紵絮斲陳縻漆其

間豈可動哉釋之曰使其中有可欲雖錮南山猶有

隙

史記作郟

使無可欲雖無石槲又何戚焉文帝曰善拜

廷尉韋昭曰高岸夾水為廁今斯原夾二水矣

二水霸水

長水也時漑水已入霸久矣 雍錄云霸水行乎白鹿原上其地高可以眺遠故高帝資其形勢而置軍

此地至于文帝則生既樂之沒亦塋焉皆一地也文帝常臨廁而有感于此山之石即郟之路者面北以

言也廁之為義韋昭曰夾二水而言也慎夫人家即郟即郟河北也出關而趨河北必自新豐故文帝指

之以示夫人曰此走郟郟道也北山者渭北之山如九峻之類皆是也故此所言皆從霸上北望而言之

也文帝又嘗欲騎車下霸西峻坂因袁盎致諫而止此之峻阪即白鹿原之西阪也文帝欲樂其地遂即

霸上立陵以爲霸陵也陵後又置縣是爲霸陵縣也
秦之霸城因亦隸漢之霸陵境而漢在縣東南十里
不與霸上並陽同爲一地也薄后不祔高陵而塋于
文陵東南二十里亦仍霸陵之名故又加南以別之
是爲南霸陵也又曰白鹿原者自南山分枝而下
行于藍田縣以及漢城之東長安志曰原接南山西
北入萬年界抵漚水其東西可十五里南北可二十
里也長安志霸水在萬年縣東二十一里自藍田縣
來合漚北入渭又文帝霸陵薄太后陵皆在白鹿原
上予合此數說而求之則白鹿原者南山之麓陂陀
爲原白藍田縣東而北入萬年縣者也漚水源低故
行乎此源西北隅之外霸水所從來者高故能中原
爲道而行乎原上也文帝之與薄后二陵皆在原上
周宣時嘗有白鹿焉故原以爲名也霸上霸城之類
皆在北原之上文帝臨廁則在霸長兩水之間故曰
臨廁也此白鹿原川途面勢之詳也霸水有橋王莽

時灾黃圖謂跨水之橋也長安志曰橋隋開皇三年造至唐遂分為南北兩橋盖隋唐因舊而增蓋之耳非狃也唐人語曰詩思在霸橋風雪中盖出都而野此其始也霸有亭亭有尉李廣為亭尉所呵正在此廣時屏居藍田南山下此亭即其獵而旋歸之路也

霸水又北會兩川又北故原左出焉霸水又北逕王莽九廟南王莽地皇元年

博徵天下工匠壞撤西苑建章諸宮館十餘所取材

瓦以起九廟筭及吏民以義入錢穀助成九廟廟殿

皆重瓦太初祖廟東西南北各四十丈高十七丈餘

廟半之漢書王莽傳九廟一曰黃帝大初祖廟為銅薄櫨飾以金銀窮

極百工之巧褫

漢書作帶

高增下功費數百鉅萬卒死者

萬數霸水又北逕枳道在長安東十三里王莽九廟

在其南漢世有白鷺羣飛自東都門過於枳道呂后

被除於霸上還見倉狗戟於斯道也

漢書五行志曰高后八年三月

被霸上還枳道見物如倉狗戟高后掖忽不見卜之趙王如意為祟遂病掖傷而崩注云戟謂狗持之也

雍錄枳道亭名也即秦王子嬰降沛公處在漢長安東十三里東都門外也長安東面三門此為北來

第一門也自長安而出東都必由此門故西都之地而有門表於東都也猶汴京東門名曹門而臨安餘杭門外有湖州市也漢書曰有白蛾飛自東都門經枳道入內苑則東都門名前漢已有之矣東都云者

其殆仍周也耶 水上有橋謂之霸橋地皇三年霸橋木災

木字

疑衍漢書莽傳亦無木字 自東起卒數千以水汎沃救不滅晨積

多盡多當是夕 王莽惡之下書曰甲午火橋乙未立春之

日也予以神明按莽傳予以神明下有聖祖黃虞遠

以二十字方接三年終句此節去故不可解 三年終冬絕滅霸駁之橋欲

以興成新室統壹長存之道也其名霸為長存橋

霸下

疑脫橋字 霸水之宋本作又 北左納漕渠絕霸右出焉東逕霸

城北又東逕子楚陵北皇甫謐曰秦莊襄王葬於范

蕩之麗山京北東南霸陵山劉向曰莊王大其名立墳者也戰國策曰莊王字異人名子楚故世人猶以子楚名陵又東逕新豐縣右會故渠上承霸水東北

逕霸縣故城南

在今西安府東二十五里

漢文帝之霸陵漢縣也

王莽更之曰水革

按漢志作水章

魏文帝黃初元年

按魏畧徙銅人

乃明帝景初元年今云文帝黃初恐誤

徙長安金狄重不可致因留霸

城南人有見蒟子訓與父老共摩銅人曰正見鑄此

時計爾曰以近五百年矣

按後漢書方術傳子訓與一老翁共摩漢銅人相謂

曰適見鑄此而已近五百歲矣今所引有謬脫字句處

故渠又北逕劉更始冢

西更始二年為赤眉所殺故謂

衍

侍中劉恭夜往取

而埋之

按後漢書劉玄傳作劉恭夜往收藏其屍宋本作劉恭夜往收而埋之

光武使

司徒鄧禹葬於霸陵縣

今為西安府咸寧縣

更始尚書僕射行

大將軍事鮑永持節安集河東聞更始死歸世祖累

遷司隸校尉行縣逕更始墓遂下拜哭盡哀而去帝

問公卿大中大夫張湛曰仁不遺舊忠不忘君行之

高者帝乃釋之又東北逕新豐縣

今西安府臨潼縣及渭南縣

又

合漕渠漢大司農鄭當時所開也以渭難漕命齊史記

河渠書齊

水工徐伯

河渠書伯下有表字索隱曰徐伯表水工姓名也小顏云以為

表者此行穿渠之處而表記之若今墜標表不是名也

乃發卒穿渠引渭今源

自昆明池南傍山原東注於河且田且漕大以為便

按史記河渠書鄭當時言曰引渭穿渠起長安並南山下至河三百餘里徑易漕令齊人水工徐伯表悉發卒數萬人穿漕渠三歲而通通以漕大便利其後漕稍多而渠下之民頗得以溉田矣今霸水

又北逕秦虎圈東列士傳曰秦昭王會魏王魏王不

行使朱亥奉璧一雙秦王大怒置朱亥虎圈中亥瞋

目視虎背裂血出濺虎虎不敢動即是處也霸水又北入於渭水渭水又東會成國故渠渠魏尚書左僕射衛臻征蜀所開也號成國渠引以澆故田其瀆上承汧水於陳倉東東逕郿及武功槐里縣北渠左有安定梁嚴冢碑碣尚存逕漢武帝茂陵南故槐里之茂鄉也應劭曰武帝與衍疑自為陵在長安西北八十里漢武帝故事曰帝崩後見形謂陵令薛平曰吾雖失勢猶為汝君奈何令吏卒上吾陵磨刀劍乎自

今已後可禁之平頃首謝因不見推問陵傍果有方石可以為礪吏卒常盜磨刀劍霍光欲斬之張安世曰神道茫昧不宜為法乃止故阮公詠懷詩曰失勢在須臾帶劍上吾丘故渠又北分為二渠東逕虎圈南而東入霸一水北合渭今無水故渠又東逕茂陵縣故城南武帝建元二年置地理志曰宣帝縣焉王莽之宣城也故渠又東逕龍泉北今人謂之溫泉非也渠北故坂此即龍淵廟如淳曰三輔皇圖有龍淵

宮今長安城西有其處黃蓋宮之遺也

未箋處上有廟字黃字衍

故渠又東逕姜原北

疑衍

渠北有漢昭帝平陵東南去

長安七十里又東逕平陵縣故城南地理志曰昭帝

置王莽之廣利也故渠之南有竇氏泉北有裴回廟

又東逕漢大將軍魏其侯竇嬰冢南又

疑脫東逕兩字

成帝

延陵南陵之東北五里即平帝康陵坂也故渠又東

逕渭陵元帝永光四年以壽陵亭原上為初陵詔不

立縣邑又東逕哀帝義陵南又逕惠帝安陵南陵北

有安陵縣故城也地理志曰惠帝置王莽之嘉平也
渠側有杜郵亭又東逕渭城北地理志曰縣有蘭池
宮秦始皇微行逢盜於蘭池今不知所在也又東逕
長陵南亦曰長山也三秦記曰長安城北有平原廣
數百里民井汲巢居井深五十丈秦名天子冢曰山
漢曰陵故通曰山陵矣風俗通曰陵者天生自然者
也今王公墳隴稱陵春秋左傳曰南陵夏后皋之墓
也春秋說題辭曰丘者墓也冢者種也種墓也羅倚

於山分卑尊之名者也故渠又東逕漢丞相周勃冢
南冢北有亞夫冢故渠東南謂之周氏曲又東南逕
漢景帝陵南又東南注於渭今無水又東南逕霸縣
北與高陵分水

今高陵縣西南二里有高陵故城東渭橋在縣南十里

水南有

定陶恭王廟傅太后陵元帝崩傅昭儀隨王歸國稱
定陶太后後十年恭王薨子代為王徵為太子
即帝位立恭王寢廟於京師比宣帝父悼王故事元
壽元年傅后崩合葬渭陵潘岳關中記漢帝后同塋

則為合葬不共陵也諸侯皆如之恭王廟在霸城西
北廟西北即傅太后陵不與元帝同塋渭陵非謂元
帝陵也蓋在渭水之南故曰渭陵也陵與元帝齊者
謂同十二丈也王莽奏毀傅太后冢冢崩壓殺數百
人開棺臭聞數月按漢書外戚傳作臭聞數里公卿在位皆阿莽
指入錢帛遣子弟及諸生四夷凡十餘萬人操持作
具助將作掘傅后塚二旬皆平周棘其處以為世戒
今其處積土猶高世謂之增墀又亦謂之增阜俗亦

謂之成帝初陵處所未詳也渭水又東逕平阿侯王

譚墓北塚次有碑左則涇水注之

漢志涇水東南至陽陵入渭今高陵

縣西南三十里有陽陵故城

以今輿地言之渭水自渭源縣北又東逕隴西縣

北

隴西鞏昌府治水去縣一里

又東逕通渭縣北

通渭縣在府東北六十里

又東逕寧遠縣北

寧遠縣在府東九十里

又東南逕伏羗縣

北

伏羗縣在府東一百八十里

又東逕秦安縣南

秦安縣在秦州西北九十里

又東南逕秦州北

秦州在府東三百里州東五十里有渭水渡

又東

南涇清水縣西

清水縣在州東一百五十里州志云州東五十里有東柯谷橋跨渭

水上與清水縣界接

又東南涇隴州南

隴州在鳳翔府西一百八十里渭水自清

水縣界東南流繞龍坂南麓入州境又東涇州南去州一百四十里

又北涇寶雞縣

南

寶雞縣在府西南九十里水去縣一里有渭河橋跨其上

又東涇岐山縣南

岐山縣在府東五十里水去縣三十五里

又東涇扶風縣西南郿縣北

扶風在府東南一百十里水去縣二十里有漳渠郿縣在府東南一百四十里水去縣三里

又

東涇武功縣南蓋屋縣北

武功在西安府乾州西南六十里水去縣二十

里蓋屋在府西南一百六十里水去縣五里

又東涇興平縣南

興平在府西北

一百里 又東逕咸陽縣南鄠縣北咸陽在府西北五十里水去縣一里

鄠縣在府西南七十里水去縣九十里 澧水東北流逕故長安城西

又北至咸陽縣東南三里而注於渭渭水又東逕

長安縣北長安與咸寧並為陝西布政司西安府治咸寧治東偏長安治西偏渭水去城

三十里 又東逕咸陵縣北高陵縣南咸寧本唐萬年縣元和志渭水

在縣北五十里高陵在府北八十里水去縣二十里 涇水自涇陽縣界東南

流至高陵縣西南三十里與渭水合

渭水又東逕鄠縣西蓋隴西郡之鄠徒也朱云徒當作徙今

臨潼東北有鄠縣故城後魏分萬年縣置渭水又東得白渠枝口又東與

五丈渠合水出雲陽縣石門山雲陽縣今淳化縣謂之清水

東南流逕黃嶽山西又南入殺柎縣今西安府耀及同官縣歷

原南出謂之清水口東南流絕鄭渠又東南入高陵

縣逕黃白城西本曲梁宮也南絕白渠白渠在涇陽縣西北漢白

公引涇水溉田有大白中白南白三渠下流入高陵縣界當時民得其利歌曰田于何所池陽谷口鄭國

在前白公在後舉鍾成雲決渠為兩涇水一石其泥數斗且溉且糞長我禾黍衣食京師億萬之口屈

而東流謂之曲梁水又東南逕高陵縣故城北東南

絕白渠瀆又東南入萬年縣謂之五丈渠又逕藕原

東東南流注於渭水又逕新豐縣故城北

城在臨潼縣東北十

四里東與魚池水會水出麗山東也水本導源北流後

秦始皇葬於山北水過而曲行東注北轉

水過而曲行疑當作

水過按史記正義引關中記云始皇陵在驪山泉本北流障使東西流有土無石取大石於渭北諸山據

此則當作始皇造陵取土其地汙深水積成池謂之

過明矣

魚池池在秦皇陵東北五里周圍四里池水西北流

逕始皇塚北秦始皇大興厚葬營建冢壙於麗戎之

山一名藍田其陰多金其陽多玉始皇貪其美名因而
塋焉斬山鑿石下涸三泉以銅為槨旁行周圍三十
餘里上畫天文星宿之象下以水銀為四瀆百川
五嶽九州具地理之勢宮觀百官竒器珍寶充滿其
中令匠作機弩有所穿近輒射之以人膏為燈燭取
其不滅者久之後宮無子者皆使殉塋甚衆墳高五
丈周圍五里餘作者七十萬人積年方成而周章百
萬之師已至其下乃使章邯領作者以禦難弗能禁

項羽入關發之以三十萬人三十日運物不能窮關
東盜賊銷檣為銅牧人尋羊燒之火延九十日不能
滅北對鴻門十里池水又西北流水之西南有溫泉
世以療疾三秦記曰麗山西北有溫水祭則得入不
祭則爛人肉俗云始皇與神女疑漏
狎字唾之生瘡始皇
謝之神女為出溫水後人因以澆洗瘡張衡溫泉賦
序曰余出麗山觀溫泉浴神井嘉洪澤之普施乃為
之賦云此湯也不使灼人形體矣池水又逕鴻門西

又逕新豐縣故城東故麗戎地也高祖王關中太上
皇思東歸故象舊里制茲新邑立城社樹枌榆令街
庭若一分置豐民以實茲邑故名之為新豐也漢靈
帝建寧三年改為都鄉封段熲為侯國後立陰槃城
其水際城北出一作世謂之陰槃水又北絕漕槃溝注
於渭渭水又東逕鴻門北舊大道北下坂下坂名也

臨潼縣東十七
里有鴻門坂

古有鴻寧漢書高祖將見項羽

下疑
有脫

文或下文楚
漢句屬衍

楚漢春秋曰項王在鴻門亞父曰吾使

人望沛公其氣冲天五色相繆或似龍或似雲非人
臣之相可誅之漢高祖會項羽范增目羽羽不應樊

噲杖盾撞人入

杖盾史記
作擁盾

食豕肩於此羽壯之郡國

志曰新豐縣東有鴻門亭者也郭緣生或云霸城南

門曰鴻門也項羽將因會高祖

二字
疑衍

危高祖羽仁而

弗斷范增謀而不納項伯終護高祖以獲免既抵霸

上遂封漢王按漢書注鴻門在新豐東十七里則

疑漏

去字霸上應百里按史記項伯夜馳告張良良與俱見

高祖仍使夜返考其道理不容得爾今父老傳在霸

城南門數十里於理為得按緣生此記雖歷覽史漢

述行途逕凡

宋本作述
行途經見

可謂學而不思矣今新豐縣

故城東三里有坂長二里餘塹原通道南北洞開有

同門狀謂之鴻門孟康言在新城東十七里無之蓋

指縣治而言非謂地也自新豐故城西至霸城五十

里霸城西十里則霸水西二十里則長安城應劭曰

霸水上地名在長安東二十里即霸城是也高祖舊

傳軍處東去新豐既遠何由項伯夜與張良共見高

祖乎知緣生此紀垂矣渭水又東石川水南注焉

今富

平縣南有石川堰亦曰石川

渭水又東戲水注之

在臨潼縣東三十里

水出

麗山馮公谷東北流又北逕麗戎城東春秋晉獻公

五年伐之獲麗姬於是邑麗戎男國也姬姓秦之麗

邑矣又北右總三川逕鴻門東又北逕戲亭東應劭

曰戲弘農湖縣西界也地隔諸縣不得為湖湖西如

此一里

此句疑有譌誤或當作湖西北一里

即李夫人冢冢形三成世

謂之英陵

一作萊陵

夫人兄延年知音尤善歌舞帝愛之

每為新聲變曲聞者莫不感動常侍上起舞歌曰北

方有佳人絕世而獨立一顧傾人城再顧傾人國寧

不知傾城復傾國佳人再難得上曰世豈有此人乎

平陽主曰延年女弟上召見之妖麗善歌舞得幸早

卒上憐念之以厚

按漢書外戚傳當作后

禮葬悲思不已賦詩

悼傷渭水又東泠水入焉

泠一作零在臨潼縣東入渭處謂之零口

水南

出肺浮山蓋麗山旁麓而異名也北會三川統歸三

壑歷陰槃新豐兩原之間北流注於渭又東首水

元和

志作南

疑倒虎山南

一作西

總五水單流注逕秦步宮

高東

當作步高宮按三輔黃圖秦有步高宮在新豐縣亦名市邛城則下文立市亦疑作邛市

世

名立市城歷新豐原東而北逕步壽宮西

三輔黃圖步壽宮在

新豐縣步高宮西

又北入渭渭水又東得西陽水又東得東

陽水並南出廣鄉原北垂俱北入渭

原在今華州西

渭水又

東逕下邽縣故城南

城在今渭南縣北五十里

秦伐邽置邽戎於

此有上邽故加下也渭水又東與竹水合南出竹山

山在華州西南
一百四十里
北逕郿加谷歷廣鄉原東俗謂之大

赤水北流注於渭渭水又東得白渠口

在今渭南縣北

太始

二年趙國中大夫白公奏穿渠引涇水口起谷口出

於鄭渠南名曰白渠民歌之曰田於何所池陽谷口

鄭國在前白渠在後即水所始也東逕宜春城南又

東南逕池陽城北枝瀆出焉東南逕藕原下逕鄠縣

故城北東南入渭今無水白渠又東枝渠出焉東南

逕高陵縣故城北地理志曰左輔都尉治王莽之千

春也太康地記謂之曰高陸也車頻秦書曰苻堅建

元十二年高陸縣民穿井得龜大二尺六寸背文負

八卦古字堅以石為池養之十六年而死取其骨以

問吉凶名為客龜太卜佐高夢客龜言我將歸江南

不過死於秦曾

宋本作高

於夢中解曰龜三萬六千歲而

終終必亡國之徵也後為謝元破於淮肥自縊新城

浮圖中秦祚因即淪矣

十六國春秋苻堅傳高陸民穿井得龜大三尺六寸背文

負八卦古字堅命作池養之食之以粟後死藏其骨於太廟其夜廟瓦高虜夢龜謂之曰我本出將歸江

南遭時不遇殞命秦庭即有人夢中謂虜曰又東逕
龜三千六百歲而終終必妖興亡國之徵也又東逕

櫟陽城北史記秦獻公三年城櫟陽自雍徙居之十

八年雨金於是處也項羽封司馬欣為塞王按漢書

高帝關中始都之王莽之師高也按漢志當
作師亭後漢建

武二年封驃騎大將軍景丹為侯國丹讓世祖曰富

貴不還故鄉如衣錦夜行故以封卿白渠又東逕秦

孝公陵北又東南逕居陵城北蓮芍城南又東注金

氏陂又東南注於渭故漢書溝洫志白渠首起谷口

尾入櫟陽是也今無水

又東過鄭縣北

渭水又東逕巒都城北故蕃邑殷契之所居世本曰

契居蕃闕駟曰蕃在鄭西然則今巒城是矣俗名之

赤城水曰赤水非也苻堅入秦據此城以亢當作抗十六國

春秋前秦苻健傳永和六年秋苻杜洪竊據長安
健率衆三千逕戰於潼關之北進次赤水據其城以

抗杜洪小赤水即山海經之灌水也水出石脆之山

北逕蕭加谷於狐相原西東北流與愚水合出英山

按山海經愚水當作禺水

北流與招

郭音詔

水相得水亂流西北注

於灌灌水又北注於渭又逕觀愚之山北流入於渭

觀愚當作符禺山海經符禺之山符禺之水出焉北流注於渭

渭水又東

雖指引此下有合字

西石橋水水南出馬嶺山積石據其東麗山距其西源

泉上通懸流數十丈與華岳同體其水北逕鄭城西

水上有橋橋雖崩褫舊跡猶存東去鄭城十里故世

以橋名水也而北流注於渭闕駟謂之新鄭水渭水

又東逕鄭縣故城北

城在華州北

史記秦武公十年縣之

按史記是十一年

鄭桓公友之故邑也漢書薛瓚注

薛瓚疑當作臣

瓚按顏師古注漢書叙例云有臣瓚者莫知其爵里氏族考其時代亦在魯初又云臣瓚不詳姓氏及郡

縣此云薛瓚未詳所自

言周自穆王已下都於西鄭不得以封

桓公也幽王既敗虢儻又滅

儻作鄆國語

遷居其地國於

鄭父之丘是為鄭桓公無封京兆之文余按遷史記

考春秋國語世本言周宣王二十二年封庶弟友於

鄭又春秋國語並言桓公為周司徒以王室將亂謀

於史伯而寄孥與賄于虢儻之間幽王宮於戲

宮於戲疑

誤按史周本紀犬戎殺幽王於麗山之下或當作卒鄭桓公死之平王東遷鄭

武公輔王室滅虢僧而兼其土故周桓公言於王曰

我周之東遷晉鄭是依及疑作遷封於彼此五字疑當在而兼

其土左傳隱公十一年鄭伯使公孫獲曰吾先君新

邑於此其能與許爭乎是其指新鄭為言矣然班固

應劭鄭玄皇甫謐裴顧王隱闕駟及諸述作者咸以

西鄭為友之始封也賢於臣瓚之單說也無宜違正

經而從逸錄矣赤眉樊崇於鄭北設壇祀城陽景王

而尊右校卒史

後漢書劉盆子傳作卒吏

劉俠卿牧牛兒盆子為

帝年十五被髮徒跣為具絳單衣半頭赤幘直綦履

顧見衆人拜恐畏欲啼號年建世後月餘乘白蓋小

車與崇及尚書一人相隨向鄭北渡渭水即此處也

城南山北有五部神廟東南向華岳廟前有碑後漢

光和四年鄭縣令河東裴畢字君先立蘇林曰戲邑

名在新鄭東南三十里孟康曰乃水名也今戲亭是

也昔周幽王悅褒姒不笑王乃擊鼓舉烽以徵諸

侯至無寇褒姒乃笑王甚悅之及犬戎至王又舉烽

以徵諸侯諸侯不至遂敗幽王於戲水之上身死於

酈山之北故國語曰幽滅者也漢成帝建始二年造

延陵為初陵以為非霸曲亭南更營之鴻嘉元年以

新豐戲鄉為昌陵縣以奉初陵永始元年詔以昌陵

卑下客土踈惡服虔曰取他處土以增高為客土也不可為萬歲居其

罷陵作令吏民反故徙將作大匠延年漢書作萬年此云延誤

燬煌按漢書成帝紀永始元年詔曰朕執德不固謀不盡下過聽將作大匠萬年言昌陵三年可成

詐治五年尚未加功天下虛耗百姓罷勞客土踈惡終不可成朕惟其艱怛然傷心夫過而不改是為過矣其罷昌陵及故陵勿徙吏民令天下毋有動搖之心二年詔曰首將作大臣知昌陵卑下不可為萬歲居奏請營作建置鄠邑妄為巧詐積土增高多賦歛繇後興卒暴之作卒徒蒙辜死者連屬百姓罷極天下墮竭萬年佞邪不忠毒流衆庶海內怨望至今不息不宜居京師其徙萬年燉煌郡今所引是合兩詔為一故

關中記曰昌陵在霸城東二十里取土東山

與粟同價所費巨萬積年無成即此處也戲水又北分為二水並注渭水渭水又東與石橋水會故沈水也水南出馬嶺山北流逕武平城東按地理志左馮

翊有武成縣王莽之桓城也石橋水又逕鄭城東水
有故石梁述征記曰鄭城東十四里各有石梁者也
又北逕沈城北漢書地理志左馮翊有沈陽縣王莽
更之曰制昌也蓋藉水以取稱矣渭水又東敷水注
之在今華陰西
二十四里水南出石山之敷谷北逕告平城東

者舊所傳言武王伐紂告太平於此故城得厥名

厥原

本譌
作闕非所詳也敷水又北逕集靈宮西地理志曰華

陰縣有集靈宮武帝起故張袒華嶽碑稱漢武慕其

靈築宮在其後而北流注於渭渭水又東餘水注之
水南出良餘山之陰北流入於渭俗謂之宣水也渭
水又東合黃酸之水世名之為干渠水水南出升山
北流注於渭渭水又東逕平舒城北

城在華陰縣西南十里

城

側枕渭濱半破淪水南面通衢昔秦始皇之將亡也
江神素車白馬道華山下返璧於華陰平舒道曰為
我遺鎬池君使者致之乃二十八年渡江所沈璧也
即江神返璧處也渭水之陽即懷德縣界也城在渭

水之北沙苑之南即懷德縣故城也世謂之高陽城

非矣地理志曰禹貢北條荆山在南山下有荆渠即

夏后鑄九鼎處也王莽更縣曰惡錐

按地理志當作德驩

渭水

又東逕長城北長澗水注之水南出太華之山側長

城東而北流注於渭水史記秦孝公元年楚魏與秦

接界魏築長城自鄭濱洛者也

正義曰楚北及魏西與秦相接北自梁州

漢中郡南有巴渝過江南有黔中巫郡也魏西界與秦相接南自華州鄭縣西北過渭水濱洛水東岸向

北有上郡廊州之地皆築長城以界秦境洛即秦沮之水也

又東過華陰縣北

洛水入焉闊駟以為漆沮之水也

漢志懷德縣荆山在南下有彊梁原

洛水東南入渭今朝邑縣西南有懷德故城

曹瞞傳曰操與馬超隔渭水

每渡渭輒為超騎所衝突地多沙不可築城婁子伯

說公曰今天寒可起沙為城以水灌之一宿而成操

乃多作繡囊以湮水

按曹瞞傳作連水

夜波

未作夜汲按傳作夜渡兵作城

作城立於是水之次也渭水逕縣故城北春秋之陰

晉也秦惠文王五年改曰寧秦

按史記秦本紀惠文王六年魏納陰晉更

名寧秦漢志作五年漢高帝八年更名華陰王莽之華疆也漢志

莽曰華壇今云華疆疑誤

縣有華山山海經曰其高五千仞削成

而四方遠而望之又若華狀西南有小華山也韓子

曰秦昭王令工施鈎梯上華山以節一作松柏之心為

博箭長八尺棋長八寸而勒之曰昭王常與天神博

於是神仙傳曰中山衛叔卿嘗乘雲車駕白鹿見漢

武帝帝將臣之叔卿不言而去武帝悔求得其子度

世令追其父度世登華見父與數人博於石上較度

世令還山山層雲秀故能懷靈抱異耳山上有二泉
東西分流至若山雨滂湃洪津泛灑挂溜騰虛直瀉
山下有漢魏文帝二廟廟有石闕數碑一碑是建安
中立漢鎮遠將軍段熲更修祠堂碑文漢給事黃門
侍郎張杲造杲自書之元帝又刊其二十餘字二書
存宋本重名傳於海內又刊侍中司隸校尉鍾繇弘
農太守毋丘儉姓名廣六行鬱然循平是太康八年
弘農太守河東衛叔始為華陰令河東裴仲怡後其

逸力修立壇廟夾道樹柏迄於山陰事見永興元年
華百石所造碑渭水又東沙渠水注之水出南山北
流西北入長安城城自華山北逕於河華嶽銘曰秦
晉爭其祠立城建其左者也郭著述征記指證魏之
立長城長城在後不得言在下疑漏此字斯為非矣渠水
又北注入渭渭水又東逕定城北西征記曰城因原
土述征記曰定城去潼關三十里夾道各一城渭水
又東泥泉水注之水出南山靈谷泉而北流注於渭

水也渭水又東合沙溝水水即符禺之水也南出符

石

東入於河

春秋之渭汭也左傳閔公三年虢公敗犬戎於渭隊

按左傳是閔公二年閔公無三年此云三年誤

服虔曰隊謂汭也杜預曰水

之隈曲曰汭王肅曰汭入也呂忱曰汭者水相入也

水會即船司空所在矣地理志曰渭水東至船司空

入河服虔曰縣名都官三輔黃圖有船庫官後改為

縣王莽之船利者也

禹貢錐指曰以今輿地言之渭水自高陵咸寧縣

界又東逕臨潼縣北

臨潼在西安府東少北六十里水去縣十五里

又東

逕渭南縣北

渭南在府東一百四十里元和志渭水南去渭南縣四里

又東逕

同州南華州北

同州在府東北二百八十里渭水去州三十五里華州在府東一百

九十里渭水南去州十二里

又東北逕華陰縣北

華陰在華州東七十里東

至潼關衛四十里渭水南去縣十五里

又東入於河是為渭口

水經注集釋訂訛卷十九